

საქართველოს მთავრობის

დადგენილება №254

2023 წლის 10 ივლისი

ქ. თბილისი

„საჯარო სამართლის იურიდიული პირის – შემოსავლების სამსახურის მიერ მომსახურების გაწევისათვის საფასურებისა და მათი განაკვეთების დამტკიცების შესახებ“ საქართველოს მთავრობის 2010 წლის 30 მარტის №96 დადგენილებაში ცვლილების შეტანის თაობაზე

მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „საჯარო სამართლის იურიდიული პირის – შემოსავლების სამსახურის მიერ მომსახურების გაწევისათვის საფასურებისა და მათი განაკვეთების დამტკიცების შესახებ“ საქართველოს მთავრობის 2010 წლის 30 მარტის №96 დადგენილებაში (სსმ III, №33, 31/03/2010) შეტანილ იქნეს ცვლილება და დადგენილებით დამტკიცებული „სსიპ – შემოსავლების სამსახურის მიერ მომსახურების გაწევისათვის საფასურებისა და მათი განაკვეთების“:

1. 54⁵ გრაფა ჩამოყალიბდეს შემდეგი რედაქციით:

„

54 ⁵	პირის მოთხოვნით, საქონლის წარმოშობის სერტიფიკატის საფუძველზე რეგისტრირებულ საბაჟო დეკლარაციაში (გარდა ექსპორტის, გარე გადამუშავების ან ტრანზიტის პროცედურის გამოყენების მიზნით რეგისტრირებული საბაჟო დეკლარაციისა) ცვლილების შეტანა		ერთ საბაჟო დეკლარაციაზე – 150 ლარი
-----------------	---	--	---

“.

2. 125-ე გრაფის შემდეგ დაემატოს შემდეგი შინაარსის 125¹ გრაფა:

„

125 ¹	ავტოსატრანსპორტო საშუალების კატალიზური კონვერტორის (კატალიზატორის) ან/და ავტოსატრანსპორტო საშუალების კატალიზური კონვერტორის (კატალიზატორის) მაკომპლექტებელი ნაწილების (მათ შორის, ამორტიზებული მაყუჩის ფილტრის ან/და მაყუჩის კერამიკული ფილტრის) ნარჩენის/ჯართის ექსპორტი		1 კილოგრამი – 6 ლარი
------------------	---	--	----------------------

“.

მუხლი 2

დადგენილება ამოქმედდეს 2023 წლის 24 ივლისიდან.

პრემიერ-მინისტრი

ირაკლი ღარიბაშვილი

